

तं त्वा वाजेषु वाजिनं वाजयामः शतक्रतो । धनानामिन्द्र सातये ॥ ९ ॥
यो रायोऽवनिर्महान्सुपारः सुन्वतः सखा । तस्मा इन्द्राय गायत ॥ १० ॥

५

आ त्वेता नि षीदेंद्रमभि प्र गायत । सखायः स्तोमवाहसः ॥ १ ॥
पुरुतमं पुरुणामीशानं वार्याणां । इन्द्रं सोमे सचा सुते ॥ २ ॥
स घा नो योग आ भुवत्स राये स पुरंध्यां । गमद्वाजेभिरा स नः ॥ ३ ॥
यस्य संस्थे न वृण्वते हरीं समत्सु शत्रवः । तस्मा इन्द्राय गायत ॥ ४ ॥
सुतपावै सुता इमे शुचयो यंति वीतये । सोमासो दध्याशिरः ॥ ५ ॥
त्वं सुतस्य पीतये सद्यो वृद्धो अजायथाः । इन्द्र ज्यैष्ठ्याय सुक्रतो ॥ ६ ॥
आ त्वा विशंत्वाशवः सोमास इन्द्र गिर्वणः । शं ते संतु प्रचेतसे ॥ ७ ॥
त्वां स्तोमा अवीवृधन्वामुक्था शतक्रतो । त्वां वर्धंतु नो गिरः ॥ ८ ॥
अक्षितोतिः सनेदिमं वाजमिन्द्रः सहस्रिणं । यस्मिन्विश्वानि पौंस्या ॥ ९ ॥
मा नो मर्ता अभि दुहन्तनूनामिन्द्र गिर्वणः । ईशानो यवया वधं ॥ १० ॥

६

युजंति ब्रध्ममरुषं चरंतं परि तस्थुषः । रोचंते रोचना दिवि ॥ १ ॥
युजंत्यस्य काम्या हरी विपक्षसा रथे । शोणा धृष्ण नृवाहसा ॥ २ ॥
केतुं कृण्वन्केतवे पेशो मर्या अपेशसे । समुषद्भिरजायथाः ॥ ३ ॥
आदह स्वधामनु पुनर्गर्भत्वमेरिरे । दधाना नाम यज्ञियं ॥ ४ ॥
वीळु चिदारुजत्नुभिर्गुहा चिदिन्द्र वह्निभिः । अविंद उस्त्रिया अनु ॥ ५ ॥
देवयंतो यथा मतिमच्छा विद्वंसुं गिरः । महामनूषत श्रुतं ॥ ६ ॥
इन्द्रेण सं हि दृक्षसे संजग्मानो अविभ्युषा । मन्दू समानवर्चसा ॥ ७ ॥
अनवद्यैरभिद्युभिर्मखः सहस्वदर्चति । गणैरिन्द्रस्य काम्यैः ॥ ८ ॥
अतः परिज्मन्नागहि दिवो वा रोचनादधि । समस्मिन्नुजते गिरः ॥ ९ ॥
इतो वा सातिमीमहे दिवो वा पार्थिवादधि । इन्द्रं महो वा रजसः ॥ १० ॥